

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- मुख्यमंत्री ओमर अब्दुल्ला होरें इक उच्ची सतह दी बैठक लाइयै मुहर्रम दिएं तैयारिएं गी मुक्कदा रूप दित्ता ते आखेआ जे उंदी सरकार, मुहर्रम दे पूरे 2 म्हीनें ते 8 दिनें दरान अपनी जिम्मेदारी निभाने लेई वचनबद्ध ऐ।
- ग्रुप ऑफ कन्सर्न्ड सिटीजन्स नांS दे समूह दे इक डेलीगेशनै, रटैर आई.ए.एस. अधिकारी खुर्शीद अहमद गनेई हुं'दी अगुवाई च मुख्यमंत्री ओमर अब्दुल्ला हुं'नै मलाटी कीती।
- उपमुख्यमंत्री सुरिंदर चौधरी होरें जम्मू-कश्मीर च दस्तकारिएं ते हत्थखड्डिएं सरबन्धी कारपोरेशन दे कम्मै-काजै दा जायजा लैता ते कोरपोरेशन गी औंदनबख्श बनाने पर चेचा ध्यान देने लेई आखेआ।
- मुख्य सचिव अटल डुल्लु होरें धरती आभा जनजातीय ग्राम उत्कर्ष अभियान तैहत जनजाती इलाकें दे इक बरोबर ते सामे विकास दी जरूरतै पर जोर पाया ऐ।
- तेहरान च भारत दे राजदूती दफ्तरै आपरेशन सिंधु दे तैहत जम्मू-कश्मीर दे किश विद्यार्थिएं सने कुल 110 भारती विद्यार्थिएं गी ईरान थमां सुरक्षित बाहर कड्डेआ ऐ।

<><><><><><>

CM Muharram

मुख्यमंत्री ओमर अब्दुल्ला होरें कल श्रीनगर सिविल सैक्रेटेरिएट च इक उच्ची सतह दी बैठक लाइयै औंदे मुहर्रम दे पवित्तर म्हीने लेई तैयारिएं दा जायजा लैता ते कन्नै तैयारिएं गी मुक्कदा रूप बी दित्ता। इस मौके अपने संबोधन च मुख्यमंत्री होरें मुहर्रम दे सब्भनें बंदोबस्तें गी अगेत्रे गै जकीनी बनाने दे अपनी सरकार दे धेइये गी फही पक्का कीता ते इस गल्लै पर चेचा जोर दित्ता जे प्रशासन गी मुहर्रम दे छड़े पैहले 10एं दिनें दरान गै नेई सगुआं एहदी पूरी अवधि दरान सब्भै बंदोबस्त जकीनी बनाने लोडचदे न।

<><><><><><>

CM-GCC

जम्मू कश्मीर दे सरबंधत नागरिके दे इक प्रतिनिधिमंडल नै कल श्रीनगर च मुखमंत्री उमर अब्दुल्ला हुंदे कन्नै मलाटी कीती ते लोकें दे महत्व आले बक्ख-बक्ख मुद्दें पर चर्चा कीती। रटैर आईएस अफसर खुशीद अहमद गनई हुंदी अगुवाई च प्रतिनिधिमंडल नै जिला सेहत सेवाएं च सुधार कैसर दिक्खभाल सुविधाएं गी होर तगड़ा बनाने दी जरूरत बारे चैंता जाहर कीती। प्रतिनिधिमंडल नै राइ-बाई जिमी गी गैर कृषि कम्मं लेई परिवर्तत करने उप्पर सख्त रौंह अपनाने लेई गलाया। जीसीसी नै शिक्षकें दी सिखलाई, एसटीईएम ते एआई सरबंधत कोर्स दी शुरूआत करने बक्खी ध्यान देन दा बी आह्वान कीता। मुखमंत्री होरें प्रतिनिधिमंडल दी गल्ल ध्यान कन्नै सुनी ते इस गल्ला दा जकीन दोआया जे सब्बने जायज चैंताएं दा प्राथमिकता दे आधार पर हल कड्डेआ जाग।

<><><><><><>

Dy CM HHC Review Meet

उपमुखमंत्री सुरिंदर चौधरी होरें कल श्रीनगर आहले सिविल सैक्रेटेरिएट च दस्तकारिएं ते हत्थखडिडें सरबंधी कारपोरेशन दे कम्मै-काजै दा जायजा लैता। इस दरान चौधरी होरें कारपोरेशन आसेआ कठेरे गेदे राजस्व दे राहें गै अपने मलाजमें दिआं तन्खाहीं जारी करने ते होर दुए खर्चे वगैरा करने लेई कारपोरेशन दे जतनें दी सराहना कीती। एह्दे अलावा उ'नें मुख्य भरै च कारपोरेशन दे शोरूम ते शाखें राहें पैदा होने आहले राजस्व दा जायजा लैने लेई बी कारपोरेशन दी सिफ्त कीती। उपमुखमंत्री होरें सरबंधत अधिकारिएं गी निर्देश दित्ता जे ओह घाटे च चलै करदे शो-रूमें दा तफसीली ब्यौरा तैयार करन तांजे ओकड़े शो-रूमें गी औंदन-बक्खा बनाने लेई लोड़चदी गैहीं पुटिटयां जाई सकन। सुरिंदर चौधरी होरें कारपोरेशन दे मैनेजिंग डरैक्टर होरें'गी आखेआ जे ओह इदारे गी औंदन-बक्खा बनाने दी दिशा च लगातार गैहीं पुट्टदे रौहन।

<><><><><><>

Ramban(byte)

रामबन जिला प्रशासन मुख तौरा पर औंदी बरसात ते श्री अमरनाथ जी दी यात्रा गी दिक्खदे होई जिले च आपदा तैआरिएं ते उह्दे रोकथाम सरबंधी योजना गी लागू करने लेई पूरी चाल्ली तैआर ऐ। एह्दे चलदे डिप्टी कमीशनर रामबन मोहम्मद अलयास खान सब्बने सरबंधत विभागें गी चेचा करी बरसात दरान चौकस ते पूरा चाल्ली तैआर रौहने दे निर्देश जारी कीते न। इस सरबंध च जिला स्तर उप्पर स्थापत नियंत्रण कक्ष दा कम्मकाज बिजन कुसा रुकावट दे जकीनी बनाया जाग तां जे कुसा बी चानचक्क पैदा होई स्थिति करने निबड़ेआ जाई सकै। एह्दे बारे गल्ल करदे होई डीसी रामबन होरें आखेआ.....

<><><><><><>

Pre Yoga Day Annoucement

आकाशवाणी जम्मू दा क्षेत्रीय समाचार एकांश अंतरराष्ट्रीय योग दिवस दे सरबंधै च 20 जून गी 20 मिनटें दा इक खास कार्यक्रम पेश करा'रदा ऐ। एहदा प्रसारण शुक्रवारें बड्डलै 9 बज्जियै 30 मिनटें पर कीता जाग। कार्यक्रम च स्हाड़े परौहने होडन मन्ने—परमन्ने दे योग माहिर ते नेचरोपैथ डॉ. नीलम शर्मा। ओह योग दे स्हाड़े जीवन च महत्व बारै अपने विचार सांझा करंगन। इस परिचर्चा दी मेजबानी करंगन स्हाड़ियां न्यूज एंकर श्रुति खजुरिया। इस कार्यक्रम गी स्हाड़े श्रोता मीडियम मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

CS

मुख्य सचिव अटल डुल्लू होरें कल धरती आभा जनजातीय ग्राम उत्कृष्ट अभियान दी अमलावरी दी समीक्षा लेई पैहली अपेक्स कमेटी दी बैठक दी अध्यक्षता कीती जेहड़ी जनजातीय समुदाय दे पूरे पराते विकास दी दिशा च महत्वपूर्ण गैह ऐ। एह अभियान भारत सरकार दी इक पैहलकदमी ऐ जेहदा उद्देश्य जनजातीय इलाकें च लोकें दे व्यापक विकास गी जकीनी बनाना ऐ। मुख्य सचिव होरें मुत्तलका विभाग गी इस गल्ला गी जकीनी बनाने दे निर्देश दित्ते जे जम्मू कश्मीर दे हर इक जनजातीय इलाकें च इस स्कीम दा लाह पुज्जी सकै।

<><><><><><>

CS Mission YUVA

मुख्य सचिव अटल डुल्लू होरें सरबंधत अधिकारिण दी इक बैठक लाइयै जम्मू—कश्मीर च उद्यम—कारखानादारी ते रोजगार गी बढ़ावा देने दे मकसद कन्नै रम्मी गेदी मते महत्वै आहली पैहलकदमी — मिशन युवा दी अमल—आवरी दा जायजा लैता। इस मौके पर मुख्य सचिव होरें मिशन युवा लेई ऑनलाईन आवेदन दर्ज करने दे कम्मै च हासल प्रगति पर संदोख बुज्झेआ। उ'नें सरबंधत डिप्टी कमिशनरें गी आखेआ जे ओह जिला स्तरें पर जागरूकता अभियानें दा आयोजन करियै आवेदन करने आहलें दी मदाद लेई इक निगगर संस्थागत ढांचा बी स्थापित करन। मुख्य सचिव होरें आवेदनें दी लगातार निगरानी करने ते मामलें गी मंजूरियां देने लेई, जिला स्तर दी अमल—आवरी कमेटी दिआं बैठकां बेल्ले—बेल्ले सिर लाने दे महत्वै पर बी लोऽ पाई।

<><><><><><>

Op Sindhu

ईरान ते इज़राईल बश्कार जारी तनोतनी ते संघर्ष दे मददेनजर भारत नै अपने बसनीकें गी ईरान थमां सुरक्षित बाहर कड्डने लेई आपरेशन सिंधु नांS दा अभियान रम्मेआ ऐ। इस सरबंघै च पैहली गैह दे तौर उप्पर तेहरान च भारत दे राजदूती दफ्तरै 110 भारती विद्यार्थिएं गी उत्तरी ईरान थमां सुरक्षित बाहर कड्डियै उ'नें गी सुरक्षित ढंगै कन्नै अरमेनिया पुजाने च बी मदाद कीती ऐ। इ'नें विद्यार्थिएं च जम्मू-कश्मीर दे बी किश विद्यार्थी शामिल न। बदेश मंत्रालय नै इक बयान जारी करियै आखेआ ऐ जे इ'नें विद्यार्थिएं गी अज्ज आपरेशन सिंधु दे तैह्त् नमीं दिल्ली आहन्नेआ जाहग। इस सरबंघै च आकाशवाणी कन्नै गल्ल करदे होई किश विद्यार्थिएं आखेआ

<><><><><><>

Pensions Committee

जम्मू कश्मीर विधानसभा दी याचिकाएं सरबंघी कमेटी दी कल श्रीनगर असैंबली परिसर च पैहली बैठक लग्गी। एह्दी अध्यक्षता कमेटी दे प्रधान पीरजादा फारुक अहमद शाह होरें कीती ते एह्दे च मुश्ताक गुरु, सलमान सागर, वहीद-उर-रहमान पारा, मियां मेहर अली, विजय कुमार, ठाकुर रणधीर सिंह ते होर दुए मिंबरें हिस्सा लैता। इस मौके कमेटी दे प्रधान होरें कमेटी दे लक्ष्यें गी पूरा करने लेई आपसी तालमेल बनाइयै कम्म करने पर जोर पाया। प्रधान होरें इस गल्ला दा जकीन दोआया जे कमेटी हर इक योजना दी पूरी पराती जांच करोग ते ओह्दा हल कड्डोग।

<><><><><><>

Estimates Committee

जम्मू कश्मीर विधानसभा दी अंदाजे सरबंघी समिति नै कल जम्मू कश्मीर च फंड दे इस्तेमाल दी व्यापक समीक्षा करने दा संकल्प लैता। श्रीनगर दे विधानसभा परिसर च कमेटी आस्सेआ लग्गी दी इक जायज बैठक च एह फैसला लैता गेआ। बैठक दी अध्यक्षता कमेटी दे अध्यक्ष शमीम फिरदोस होरें कीती ते एह्दे च गुलाम अहमद मीर, अब्दुल माजीद भट्ट, पवन कुमार गुप्ता, चन्द्र प्रकाश गंगा,प्यारे लाल शर्मा ते अर्जुन सिंह राजू हुंदे सने होर दुए मिंबरें हिस्सा लैता। इस मौके उप्पर बोलदे होई अध्यक्ष होरें कमेटी गी इस गल्ल दी जांच करने लेई गलाया जे बजट दे प्रवधानें मूजब बक्ख-बक्ख विकास परियोजनाएं लेई दिक्ती गेदी धन-राशिदी सेई तरीके कन्नै इस्तेमाल कीता गेआ ऐ जां नेई।

<><><><><><>